



高麗史

志

三十八



特 四リ伴 6
2809
38



一内子カキハ其マ

志卷第十四

高麗史六十

斗間二字

正憲矣曹判書集賢殿大提學知 經進春秋館事無成均大司成臣鄭麟趾奉

教修

禮二

五下 4

三下 5

吉禮大祀

太廟

太廟享有常日者寒食臘臘兼薦魚無常日者並擇日四孟月三年一禘以孟冬五年一禘以孟夏其禘禘之月即不時享冊祝親享

三例前分六

用玉冊竹冊每冊二十四簡長尺有一寸闊
一寸玉冊貫以銀絲竹冊貫以紅絲條裝以
紅錦太祖室用玉冊餘八室用竹冊攝事用
祝版以松木爲之長二尺廣一尺厚六分會
祖以上室並稱孝曾孫嗣王臣祖室稱孝孫
嗣王臣禰室稱孝子嗣王臣敢明告攝事云
謹遣某官臣姓名玉幣以裸圭圭有瓚於圭
頭爲器可以挹鬯牲牢每室各豕一七祀豕
一配享功臣豕一獻官太子若公侯伯爲亞

獻太尉爲終獻或太尉爲亞獻光祿卿爲終
獻太尉宰臣爲之攝事大尉爲初獻太常卿
爲亞獻光祿卿爲終獻 帝祫親享儀 齋
戒如親祀園丘儀但誓文曰今年某月某日
王親禘享于太廟若祫則言祫享工人二舞
諸衛之屬守衛廟門者清齋一宿於各屬官
司前享一日並集享所 陳設前享三日尚
舍局設大次于廟東門外道北南向小次于
阼階東稍北南向鋪玉座如常儀守宮設文

武侍臣行事陪享官及有司次於廟門之內
隨地之宜設饌幔於東門外前享二日宮闈
令帥其屬婦除廟之內外掌牲令宰牲請享
所太廟令帥其屬布昭穆之座於堂上戶外
自西以東太祖位在西東向惠宗文宗睿宗
爲昭在北南向顯宗順宗宣宗肅宗仁宗爲
穆在南北向每位皆設黼宸莞席紛純藻席
績純次席黼純左右玉几太樂令陳登歌之
樂於廟堂上前楹外稍南北向設軒架於廟

庭前享一日奉禮郎設王位版於東階東南
西向飲福位於堂上前楹外近東西向亞終
獻飲福位於王位之後贊者設亞終獻享官
及七祀配享功臣獻官位於王位之後稍南
執事者位於其後每等異位俱重行西向北
上設監察御史位二一於西階下東向一於
東階下西向設奉禮位於樂懸東北贊者二
人在南差退俱西向協律郎位二一於堂上
前楹外近西一於軒架西北俱東向太樂令

位於軒架之北北向文班九品以上位於東門之內廟庭東階下每等異位俱重行西向北上武班九品以上位於西門之內廟庭西階下當文官每等異位俱重行東向北上設門外位享官公卿位於東門外道南每等異位重行北向西上文班九品以上位於享官公卿之東每等異位重行北向西上武班九品以上位於西門之外道南每等異位重行北向東上設牲榜於東門外當門西向以南

爲上設掌牲今位於牲西南吏陪其後設諸大祝位於牲東各當牲後祝史各陪其後俱西向設太常卿省牲位於牲前近北又設御史位於太常卿之西俱南向太廟令帥其屬設籩豆簋簋之位於神座前凡祭器皆藉以席籩豆簋簋又加蓋羃每位籩十二在左爲二行右上豆十二在右爲二行左上俎二一在籩南一在籩豆之間簋各四在籩豆間簋居前簋次之甗釶各六分在籩豆間甗居

前劔次之玉爵六在籩豆南又設尊彝之位
每位堂上雖彝一虎彝一犧尊二象尊二著
尊二山罍二爲二重尊彝各有坫以置瓚爵
在神座之左以右爲上俱加勺罍堂下又設
豆二壺尊二太尊二山罍四俱北向西上加
罍皆設而不酌每位設瓚盤一於堂上尊彝
之所設冊案於神座之右設爐炭於尊彝外
稍前設福酒爵有坫胙肉俎飯籩各一於尊
彝前又饌幔內每位各設毛血豆肝腎豆蕭

籩稷黍籩各一飯籩羹劔肉盤各一第一位
又設俎一毛血肝腎之豆與蕭稷黍之籩直
設於饌幔其飯籩羹劔肉盤俎於各位陳設
告潔後進饌者入徹出設於饌幔俟迎饌時
入奠又設七祀位於廟庭之西稍南東向北
上神席皆以莞位版各設於座首司命尸竈
中雷門厲行遍祭之祫享亦同設祭器每位
左二籩右二豆俎一在神座前木爵一次之
籩二簋二在籩豆之間籩在左簋在右壺尊

二設於神座之左加勺罍設祝站於神座之
右又設配享功臣位於廟庭西向北上神席
皆以莞位版各設於座首其版文各具題官
爵姓名設祭器准七祀設王洗二於東階東
南北向盥洗在東爵洗在西罍在洗東加勺
篚在洗西南肆篚實以珪瓚巾爵俱以副篚
覆之亞終獻爵篚亦同又設亞終獻洗二於
王洗東南如上儀凡洗王及王太子行事皆
有盤匱亞終獻以下及攝事者皆無盤匱又

設七祀獻官洗於七祀神位之南北向罍在
洗東篚在洗西南肆篚實以巾爵配享功臣
洗於七祀洗之東北向設爵篚如七祀儀其
執尊罍篚罍者各位於尊罍篚罍之後 鑿
駕出宮是日有司具別廟冊文以進王署訖
親授獻官後詣齋宮其親授禮如別儀前享
一日未明七刻奏一嚴未明五刻奏二嚴所
司陳大駕鹵簿如儀諸衛之屬各督其隊與
鉞戟入陳於殿庭樞密以下左右侍臣就殿

庭位太子公侯伯宰臣各就殿門外次文武
兩班九品以上各就儀鳳門外位文官在東
武官在西俱北上太樂今陳樂部於大觀殿
門外並如常儀王將出奏三嚴王服赭黃袍
出坐殿稱警蹕禁衛大喝再拜訖舍人喝樞
密侍臣常起居訖閣門引太子公侯伯宰臣
入就位立定舍人喝太子以下再拜訖閣門
以次引出訖侍中版奏外辦王降殿乘輿以
出樂部懸而不作至興禮門外守宮宰臣奉

辭至儀鳳門內王降輿入幄次乘黃令進象
輅於儀鳳門外階前南向千牛訖軍一人執
長刀立於輅前北向黃門侍郎在侍臣前太
僕卿攝衣而升正立執轡千牛將軍前執轡
侍中跪奏外辦王出幄乘輅稱警蹕如常儀
舍人喝文武百官常起居訖黃門侍郎奏請
勅侍臣上馬侍中前承制退稱曰制可黃門
侍郎退稱侍臣上馬舍人喝文武侍臣再拜
訖百官留守奉辭太僕卿立授綬黃門侍郎

進當鑾駕前跪稱黃門侍郎臣某言請鑾駕
進發俛伏興退復位鑾駕動稱警蹕侍中黃
門侍郎夾侍千牛將軍夾路而趨鑾駕出昇
平門權駐侍臣上馬訖黃門侍郎奏請勅車
右升陪乘樞密上將軍冬二員侍中前承制
退稱曰制可黃門侍郎退復位率右再拜升
訖鑾駕動稱警蹕不鳴鼓吹不得喧譁其從
享之官在玄武隊後如常儀鑾駕將至齋宮
其先到諸執事官執禮及御史以下諸執事

官俱朝服就齋宮門外道南東上立鑾駕至
再拜奉迎鑾駕至齋宮南門外迴輅南向車
右降立輅前侍中進當鑾駕前跪奏稱侍中
臣某言請降輅俛伏興退復位王降輅入門
繖扇華蓋侍衛如常儀至東門外褥位西向
再拜舍人喝太子公侯伯宰臣樞密侍臣群
官皆再拜訖王至齋宮入殿宿衛如式通事
舍人承旨勅群臣各就次 省牲器省牲之
日午後八刻廟所禁斷行人宮闈令整拂神

高麗書卷六十一
三十一
幄執事者以祭器入設於神位如陳設儀未
後三刻執禮官奉禮贊者先入庭謁者贊引
各引享官御史俱就位隸儀訖掌牲令牽牲
就榜位謁者引太常卿贊引引御史自阼階
升堂視滌濯執尊者皆去纁告繫訖引降就
省牲位南向立掌牲令小前曰請省牲退復
位太常卿省牲掌牲令又前舉手曰膾還本
位諸大祝各巡牲一匝西向舉手曰充還本
位諸大祝與掌牲令以次牽牲詣廚授太官

謁者引光祿卿詣廚省鼎鑊申視滌漑監取
明水火贊引引御史詣廚省饌具協律郎展
視樂器訖各還齋所司空以下每事訖即還
齋所進饌者入徹籩豆簋簠釶以出置饌
所享日未明五刻太官令帥宰人以鸞刀割
牲祝史以豆取毛血又取肝洗於鬱鬯竝臠
膾實於豆各置饌所遂烹牲 晨裸享日未
明四刻諸享官及從享之官各服其服執禮
官先入廟庭太廟令良醢令各帥其屬入實

高麗書卷六十一
九

尊彝雖彝實明水虎彝實鬱鬯犧尊二一實
明水一實泛齊象尊二一實明水一實醴齊
者尊二一實明水一實盞齊山罍二一實玄
酒一實清酒堂下壺尊二一實明水一實醴
齊太尊二一實明水一實沉齊山罍四二實
玄酒一實事酒一實昔酒祫享尊彝亦同太
官令帥進饌者實豆籩簋籩籩第一行實以
形鹽魚鱠乾棗栗黃榛子菱仁第二行炙仁
鹿脯白餅黑餅糗餌粉餐豆第一行實以韭

菹醢醢菁菹鹿醢芹菹兔醢第二行筭菹魚
醢脾析菹豚拍醢食糝食簋實以稻梁簋實
以稷黍甄實以大羹釧實以肉羹加芼滑盪
南俎載牲左脇盤盪豆間俎載熟肉盤堂下
豆二在尊罍西一實糯油餅一實片肉凡享
神之物當時所無者以時物代之太廟令設
燭於神位前又良醢令太官令帥其屬入實
七祀位及配享功臣位禮饌盪實以栗黃鹿
脯豆實以菁菹鹿醢簋實以稷黍簋實以稻

梁壺尊二皆實祠祭法酒俎載牲牢盤監察
御史按視堂之上下糾察不如儀者還出謁
者贊引各引太尉以下諸享官皆就門外位
奉禮贊者先入就位再拜贊引引御史太廟
令大祝官闈令祝史齋郎執尊罍篚罌者及
七祀配享功臣祝史齋郎執尊罍篚罌者入
自東門當階間樂懸北重行北向西上立定
奉禮曰再拜贊者承傳御史以下皆再拜訖
執尊罍篚罌者各就位贊引引御史諸大祝

諸東階升堂御史行掃除於上令史掃除於
下訖復位未明二刻太廟令陳腰輿於東階
之東每室各二皆西向北上贊引引太廟宮
闈令帥執事者以腰輿自東階升堂詣太祖
室入開墻室太祝官闈令奉出神主各置於
輿出詣座前奉神主置於座訖以次奉出惠
宗以下如太祖儀后妃神主南向竝座而處
左北向竝座而處右太祝薦香酒俱復位駕
將至謁者贊引引享官通事舍人分引文武

從享之官皆就門外位太樂令帥工人二舞
入就位其升堂坐者皆脫履於下降納如常
文舞入陳於懸北武舞立於懸南道西訖謁
者引司空入就位立定奉禮曰再拜司空再
拜謁者引司空詣東階升堂行掃除於上降
行樂懸於下引復位謁者贊引各引太尉以
下享官及七祀配享功臣獻官通事舍人分
引從享群官入就位未明一刻侍中版奏外
辦玉服袞冕以出繖扇華蓋侍衛如常儀至

大次入次簾降有司具祝冊太廟令以祝冊
進王署訖近臣奉出令受冊函奠於案若祝
板則奠於地侍中版奏外辦簾捲王出次侍
衛如常儀太常博士引太常卿太常卿前導
王至東門外尚衣奉御以圭授殿中監凡殿
中監進圭受圭皆尚衣奉御副之監受進王
執圭華蓋侍衛停於門外王入自正門堂下
協律郎跪俛伏舉麾興工鼓祝軒架奏無射
宮正安之曲至版位西向立樂止每王立定

太常卿與博士退立於左太常卿前奏稱請
再拜退復位王再拜奉禮曰再拜衆官在位
者皆再拜其先拜者不拜太常卿前奏有司
謹具請行事退復位軒架奏黃鍾宮興安之
曲文德之舞作黃鍾三奏大呂大簇應鍾各
再奏樂九成而止太常卿前奏稱請再拜王
再拜奉禮曰再拜衆官在位者皆再拜太常
卿前導王詣盥洗位軒架奏無射宮正安之
曲至洗位北向立樂止殿中監進受圭侍中

跪取匱興沃水內侍跪取盤興承水王盥手
黃門侍郎跪取巾於篚興以進王悅手黃門
侍郎受巾跪奠於篚祝史以篚取瓚進跪於
洗西黃門侍郎取瓚於篚興以進王受瓚侍
中酌爨水內侍跪取盤興承水王洗瓚黃門
侍郎跪取巾於篚興以進王拭瓚訖黃門侍
郎受巾跪奠於篚侍中以篚跪受瓚以授祝
史祝史傳受詣泰階以授太祝太祝受篚取
瓚以置坫上殿中監進圭王執圭太常卿前

導王軒架奏無射宮正安之曲升自阼階訖
樂止侍中中書令以下及左右量人從升太
常卿前導王詣太祖尊彝所登歌作夾鍾宮
順安之曲執尊者去翼侍中取瓚於盤跪進
玉搯圭執瓚侍中贊酌鬱鬯太常卿前導王
詣太祖神座前西向跪以鬯裸地訖侍中受
瓚以授太祝太祝以盤受瓚訖王執圭俛伏
興太常卿前導王小退西向再拜訖太常卿
前導王詣惠宗位北向次詣顯宗位南向次

詣文宗位北向次詣順宗位南向次詣宣宗
位南向次詣肅宗位南向次詣睿宗位北向
次詣仁宗位南向裸鬯竝如上儀訖登歌止
太常卿前導王降自阼階軒架奏無射宮正
安之曲至版位西向立樂止初衆官再拜訖
祝史各奉毛血及肝膋之豆立於東門外齋
郎奉蕭稷黍各立於肝膋之後於登歌止祝
史奉毛血肝膋與奉蕭稷黍者以次入自正
門詣泰階諸太祝各迎取毛血肝膋於階上

俱進奠於神座前其蕭稷黍各置於爐炭側
諸太祝俱取肝燔於爐炭還尊所饋食王
既升裸太官令出帥進饌者奉饌陳於東門
之外重行西向以南爲上謁者引司徒出詣
饌所司徒奉太祖之俎初王既至版位樂止
太官令引饌入自正門俎初入門軒架奏無
射宮豐安之曲饌至泰階樂止太祝俱進徹
毛血之豆自阼階授祝史以出司徒升自泰
階詣太祖神座前西向跪奠俛伏與諸太祝

各奠俎饌升諸太祝各迎取於階上設神座
前籩豆蓋冪先去乃升簋簋既奠却其蓋於
下設訖謁者引司徒降自阼階復位太官令
退復位諸太祝各取蕭稷黍擣於脂燔於爐
炭還尊所太官丞引七祀及配享功臣饌入
祝史迎引於座首各設於神座前太官丞退
復位太常卿前導王詣盥洗位軒架奏無射
宮正安之曲至洗位北向立樂止殿中監進
受圭王盥手洗爵侍中黃門侍郎內侍贊洗

如晨裸之儀訖殿中監進圭王執圭太常卿
前導王軒架奏無射宮正安之曲升自阼階
訖樂止太常卿前導王詣太祖尊彝所太祝
去罍侍中取爵於坫進王搢圭受爵侍中贊
酌犧尊之泛齊祫享如之軒架奏無射宮大
定之曲文德之舞作太常卿前導王詣太祖
神座前西向跪奠爵小北俛伏興太常卿前
導王詣尊所侍中又進副爵贊酌訖太常卿
前導王詣后妃神座前跪奠爵小南俛伏興

太常卿引玉小退西向立樂止太祝進於神
座之右北向跪讀冊祝訖俛伏興樂作玉小
北再拜又小南再拜訖樂止太常卿前導王
詣次位酌獻竝如上儀凡昭位北向奠爵小
西奠副爵小東太祝東向跪讀玉小西再拜
小東又再拜凡穆位南向奠爵小西奠副爵
小東太祝西向跪讀玉小西再拜小東又再
拜訖樂止太常卿前導王至飲福位西向立
登歌作禧安之曲王獻將訖謁者引司徒詣

高麗卷之十
十六
阼階升立於飲福位之南北向內侍二人從
升立於司徒之右俱北向王獻訖諸太祝以
爵酌上尊福酒合置一爵一太祝持爵授侍
中侍中受北向進王再拜受爵跪祭酒啐爵
奠爵諸太祝持胙俎進減神座前胙肉合置
一俎又以籩減稷黍飯於簋合置一籩以籩
飯授司徒司徒受北向跪以進王受以授內
侍太祝又以胙肉授司徒司徒受進王受以
授內侍內侍跪受訖謁者引司徒降復位侍

中以爵酒進王受爵遂飲卒爵侍中受虛爵
以授太祝太祝受爵復於坫還尊所王俛伏
興再拜訖登歌止太常卿前導王降自阼階
軒架奏無射宮正安之曲至版位西向立樂
止文舞退軒架奏無射宮崇安之曲出訖樂
止武舞進軒架奏無射宮崇安之曲舞者立
定樂止初王將復位謁者引亞獻詣罍洗位
北向立齋郎二人贊洗亞獻盥手祝史以篚
取爵立於洗西亞獻取爵於篚洗爵拭爵以

授祝史祝史以篚受爵詣泰階以授太祝大
祝受篚取爵置尊所坫上謁者引亞獻升自
阼階詣太祖尊彝所軒架奏無射宮武安之
曲鄉樂交奏武功之舞作太尉取爵於坫太
祝去彙亞獻酌象尊之醴齊祫享如之詣太
祖神位前西向跪奠爵俛伏興又詣尊所酌
醴齊進后妃神座前跪奠爵俛伏興少退再
拜又再拜以次酌獻並如上儀訖樂止謁者
引亞獻詣飲福位西向立諸大祝各以爵酌

彙福酒合置一爵一太祝持爵進亞獻之左
北向立亞獻再拜受爵跪祭酒遂飲卒爵太
祝進受虛爵復於坫亞獻興再拜謁者引降
復位初亞獻將畢謁者引終獻官詣壘洗盥
洗升酌著尊之盞齊祫享如之終獻如亞獻
之儀訖樂止引終獻官降復位初終獻將升
贊引引配享功臣獻官詣壘洗盥洗詣酒尊
所執尊者去彙獻官酌酒諸助奠者皆酌酒
贊引引獻官進詣首座前東向奠爵諸助奠

者各進奠於座前九室功臣奠爵畢祝史持
教書進首座之右立讀訖獻官揖贊引引獻
官還本位初功臣獻官將詣洗位贊引引七
祀獻官詣盥洗盥洗詣酒尊所執尊者去罍
獻官酌酒贊引引獻官進跪奠於司命神位
前小退西向立獻官唯獻司命餘座齋郎助
奠祝史持祝版進神座之右北向跪讀訖獻
官再拜贊引引獻官還本位登歌作夾鍾宮
恭安之曲諸太祝進徹豆還尊所籩豆各一

小移故處配享功臣祝史及七祀祝史各進
徹豆還尊所登歌止奉禮曰賜胙再拜在位
官皆再拜已飲福者不拜送神軒架奏黃鍾
宮永安之曲鄉樂交奏太常卿前奏請再拜
王再拜奉禮曰再拜在位官皆再拜樂一成
止太常卿前奏禮畢太常卿前導王還太次
軒架奏無射宮正安之曲出門樂止殿中監
受圭以授尚衣奉御華蓋侍衛如常儀謁者
贊引引享官通事舍人分引從享群官以次

出贊引引御史以下俱復執事位立定奉禮
曰再拜御史以下皆再拜太樂令帥工人二
舞以次出太廟令與大祝宮闈令以腰輿升
納神主如常儀冊函各藏於室內若祝版則
燔於齋坊 鑾駕還宮享日禮畢王還齋殿
停一刻頃奏一嚴所司轉仗衛鹵簿於還途
如來儀奏二嚴樞密以下左右侍臣及文武
百官各就位立班太樂陳樂部於齋宮南門
外王將出奏三嚴王服絳紗袍出坐殿禁衛

大喝再拜樞密侍臣常起居訖閣門引太子
公侯伯宰臣入就位常起居訖閣門以次引
出侍中版奏外辦王出齋宮至廟東門外褥
位西向再拜舍人喝太子公侯伯宰臣樞密
侍臣皆再拜訖乘黃令進輅於齋宮南門外
南向王乘輅千牛將軍馭駕如來儀百官常
起居訖黃門侍郎請鑾駕進發退復位鑾駕
動侍衛如常儀黃門侍郎千牛將軍夾路而
趨至侍臣上馬所黃門侍郎奏請鑾駕小駐

勅侍臣上馬侍中前承制退稱曰制可黃門
侍郎退稱曰侍臣上馬舍人喝侍臣再拜上
馬黃門侍郎奏請勅車右升侍中承制退稱
曰制可黃門侍郎退復位車右再拜升訖黃
門侍郎奏請鑾駕進發退復位鑾駕動鼓吹
樂部振作而還至昇平門外小駐侍臣下馬
車右降訖鑾駕入昇平門留守百司叅再拜
有司攝事儀 齋戒前享七日質明有司
設香案於尚書省庭之西北置誓文於案之

西又設太尉以下享官行事執事官位太尉
在北當香案西向司徒司空太常光祿行事
執事官及別廟獻官執事官在南每等異位
重行北向西上御史二在西東向太尉讀誓
文曰今年某月某日禘享于太廟若禘則言
禘享各揚其職不供其事國有常刑讀訖並
再拜退散齋四日宿於正寢致齋三日二日
於本司一日於享所無本司者宿尚書省凡
散齋理事如故唯不弔喪問疾作樂判署刑

殺文書決罰罪人及預穢惡致齋之日唯享
事得行其餘悉禁工人二舞諸衛之屬守衛
廟門者清齋一宿於各屬官司前享一日並
集享所是日有司陳鹵簿於尚書省門前太
尉以下諸享官執事官各服其服並集大觀
殿門外太尉及別廟獻官就殿庭受祝版以
出其祝版各置舁擔諸享官執事官隨太尉
至尚書省門前以次上馬備鹵簿軍士捧舁
擔前行不得擊鼓吹角不得喧嘩行至齋坊

南門外下馬入門至廟東門外再拜各就齋
所 陳設前享三日守宮設太尉以下享官
次於齋坊之內設饌幔於東門外前享二日
宮闈令帥其屬掃除廟之內外掌牲令牽牲
詣享所神位及席並如親享儀太樂令陳登
歌之樂於廟堂上前楹外稍南北向設軒架
於廟庭前享一日奉禮郎設太尉位版於東
階東南西向飲福位於堂上前楹外近東西
向設享官公卿及七祀配享功臣獻官位於

高麗史卷之六十一
二十一
太尉之後稍南執事者位於其後每等異位
俱重行西向北上設監察御史位二一於西
階下東向一於東階下西向設奉禮位於樂
懸東北贊者二人在南差退俱西向協律郎
位於堂上前楹外近西東向太樂令位於軒
架之北北向設門外位太尉以下諸享官及
執事者位於東門外道南每等異位重行比
向西上設牲牓於東門外當門西向以南爲
上設掌牲令位於牲西南吏陪其後設諸祝

史位於牲東各當牲後齋郎各陪其後俱西
向設太常卿省牲位於牲前近北又設御史
位於太常卿之西俱南向太廟令帥其屬設
籩豆簠簋之位於神座前凡祭器皆藉以席
籩豆簠簋又加蓋翼每室籩十二在左爲二
行右上豆十二在右爲二行左上俎二一在
籩南一在籩豆之間簠簋各四在籩豆間簋
居前簠次之甗釶各六在籩豆間甗居前釶
次之玉爵六在籩豆南設尊彝之位每位堂

上雌彝一虎彝一犧尊二象尊二著尊二山
罍二尊彝皆有坫以置瓚爵在神座之左以
右爲上俱加勺鬯堂下又設豆二壺尊二太
尊二山罍四俱北向西上加鬯皆設而不酌
每位設瓚盤一於堂上尊彝之所設祝坫於
神座之右設爐炭於尊彝外稍前設福酒爵
有坫胙肉俎飯籩各一於尊彝前又饌幔內
每位各設毛血豆肝膋豆蕭籩稷黍籩各一
飯籩羹釧肉盤各一第一位又設俎一毛血

肝膋之豆與蕭稷黍之籩直設於饌幔其飯
籩羹釧肉盤俎於各位陳設告潔後進饌者
入徹出設於饌幔俟迎饌時入奠又設七祀
位於廟庭之西稍南東向北上神席皆以莞
位版各設於座首司命戶竈中霤門厲行遍
祭之設祭器每位左二籩右二豆俎一在神
座前木爵一次之簋二籩二在籩豆之間簋
在左籩在右壺尊二設於神座之左加勺鬯
設祝坫於神座之右又設配享功臣位於廟

庭西向北上神座皆以莞位版各設於座首其版文各具題官爵姓名設祭器准七祀設罍洗於東階東南向盥洗在東爵洗在西罍在洗東加勺篚在洗西南肆篚實以珪瓚巾爵俱以副篚覆之又設七祀獻官洗於七祀神位之南北向罍在洗東篚在洗西南肆篚實以巾爵配享功臣洗於七祀洗之東北向設爵篚如七祀儀執尊罍篚者各位於尊罍篚罍之後省牲器省牲之日午後八

刻廟所禁斷行人宮闈令整拂神幄執事者以祭器入設於神位如陳設儀掌牲令牽牲就勝位謁者贊引各引享官就東門外執禮官奉禮贊者先入廟庭謁者贊引各引享官御史以下俱就位隸儀訖謁者引太常卿贊引引御史自阼階升堂視滌濯執尊者皆去罍告潔訖引降就省牲位南向立掌牲令少前曰請省牲退復位太常卿省牲掌牲令又前舉手曰膾還本位諸太祝各巡牲一匝西

向舉手曰充還本位諸太祝與掌牲今以次
牽牲詣廚授太官謁者引光祿卿詣廚省鼎
鑊申視滌漑監取明水火贊引引御史詣廚
省饌具協律郎展視樂器訖各還齋所進饌
者入徹籩豆簋盞釶俎以出設饌幔內享日
未明五刻太官令帥宰人以鸞刀割牲祝史
以豆取毛血又取肝洗於鬱鬯并胾骨實於
豆各置饌所遂烹牲 晨裸享日未明四刻
諸享官及從享之官各服其服執禮官先入

廟庭太廟令良醞令各帥其屬入實尊彝雌
彝實明水虎彝實鬱鬯犧尊二一實明水一
實泛齊象尊二一實明水一實醴齊著尊二
一實明水一實益齊山罍二一實玄酒一實
清酒堂下壺尊二一實明水一實醍齊太尊
二一實明水一實沉齊山罍四二實玄酒一
實事酒一實昔酒太官令帥進饌者實諸籩
豆簋簠籩實以形益魚鱠乾棗栗黃榛子菱
仁炙仁鹿脯白餅黑餅糗餌粉餐豆實以韭

通雁醢菁菹鹿醢芥菹兔醢筭菹魚醢脾析
菹豚拍醢食糝食簋實以稻梁簋實以稷黍
甑實以大羹釔實以肉羹加芼滑籩南俎載
牲左脇籩豆閒俎載熟肉盤凡享神之物當
時所無者以時物代之太廟令設燭於神位
前又良醢令太官令帥其屬入實七祀位及
配享功臣位禮饌籩實以栗黃鹿脯豆實以
菁菹鹿醢簋實以稻梁簋實以稷黍壺尊二
皆實祠祭法酒俎載牲牢盤監察御史按視

堂之上下糾察不如儀者退出謁者贊引引
太尉以下諸享官皆就門外位奉禮贊者先
入就位再拜贊引引御史太廟令宮闈令祝
史齋郎執尊罍篚罍者及七祀配享功臣祝
史齋郎執尊罍篚罍者入自東門當階閒樂
懸北重行北向西上立定奉禮曰再拜贊者
承傳御史以下皆再拜訖執尊罍篚罍者各
就位贊引引御史諸祝史詣東階升堂御史
行掃除於上令史掃除於下訖復位未明二

刻太廟令陳腰輿於東階之東皆西向北上
贊引引太廟宮闈令帥執事者以腰輿自東
階升堂詣太祖室入開堦室宮闈令祝史奉
出神主各置於輿出詣座前奉神主置於座
訖以次奉出惠宗以下如太祖儀后妃神主
南向並座而處左北向並座而處右太祝薦
香酒俱復位太樂令帥工人二舞入就位其
升堂座者皆脫履於下降納如常文舞入陳
於懸北武舞立於懸南道西訖謁者引司空

登歌作鐘夾
(三)中(五)回(次)

入就位奉禮曰再拜司空再拜訖謁者引司
空詣東階升堂行掃除於上降行樂懸於下
引復位謁者引太尉贊引引諸享官及七祀
配享功臣獻官入就位奉禮曰再拜太尉以
下衆官在位者皆再拜其先拜者不拜謁者
進太尉之左白有司謹具請行事退復位協
律郎俛伏舉麾興軒架奏黃鐘宮興安之曲
文德之舞作黃鐘三奏大呂大簇應鐘各再
奏樂九成偃麾樂止奉禮曰再拜太尉以下

衆官在位者皆再拜謁者引太尉詣洗位北
向立齋郎沃水太尉盥手悅手訖齋郎以篚
取瓚進立於洗西太尉取瓚於篚齋郎酌壘
水太尉洗瓚拭瓚以授齋郎齋郎以篚受瓚
詣泰階以授祝史祝史受篚取瓚以置尊所
瓚盤謁者引太尉升自東階詣太祖尊彝所
登歌作夾鍾宮順安之曲祝史以瓚授太尉
太尉執瓚祝史去羃太尉酌鬱鬯謁者引太
尉進太祖神座前西向跪以鬯裸地訖以瓚

白
吉
サレカノ結果「之」ヨリ「用」
位#廿七#
位#廿七#

授祝史祝史受瓚訖太尉俛伏興謁者引太
尉小退西向再拜訖謁者引太尉詣惠宗位
北向次詣顯宗位南向次詣文宗位北向次
詣順宗位南向次詣宣宗位南向次詣肅宗
位南向次詣睿宗位北向次詣仁宗位南向
裸鬯並如上儀訖登歌止謁者引太尉降復
位初衆官拜訖齋郎各奉毛血及肝膋之豆
立於東門外又齋郎奉蕭稷黍各立於肝膋
之後於登歌止奉毛血肝膋與奉蕭稷黍者

高麗書卷六十一

二十一

衆官在位者皆再拜謁者引太尉詣洗位北
向立齋郎沃水太尉盥手悅手訖齋郎以篚
取瓚進立於洗西太尉取瓚於篚齋郎酌壘
水太尉洗瓚拭瓚以授齋郎齋郎以篚受瓚
詣泰階以授祝史祝史受篚取瓚以置尊所
瓚盤謁者引太尉升自東階詣太祖尊彝所
登歌作夾鍾宮順安之曲祝史以瓚授太尉
太尉執瓚祝史去羃太尉酌鬱鬯謁者引太
尉進太祖神座前西向跪以鬯裸地訖以瓚

三四
去四幕

授祝史祝史受瓚訖太尉俛伏興謁者引太
尉小退西向再拜訖謁者引太尉詣惠宗位
北向次詣顯宗位南向次詣文宗位北向次
詣順宗位南向次詣宣宗位南向次詣肅宗
位南向次詣睿宗位北向次詣仁宗位南向
裸鬯並如上儀訖登歌止謁者引太尉降復
位初衆官拜訖齋郎各奉毛血及肝膋之豆
立於東門外又齋郎奉蕭稷黍各立於肝膋
之後於登歌止奉毛血肝膋與奉蕭稷黍者

高麗書卷六十一
二一

以次入自正門詣泰階諸祝史各迎取毛血
肝膋於階上俱進奠於神座前其蕭稷黍各
置爐炭側諸祝史俱取肝燔於爐炭還尊所
饋食太尉既升裸太官令出帥進饌者奉
饌陳於東門之外重行西向以南爲上謁者
引司徒出詣饌所司徒奉太祖之俎太官令
引饌入自正門俎初入門軒架奏無射宮豐
安之曲饌至泰階樂止諸祝史進徹毛血之
豆自東階授齋郎以出司徒升自泰階詣太

祖神座前西向跪奠俛伏興諸祝史各奠俎
饌升諸祝史各迎取於階上進設於神座前
設訖謁者引司徒降自東階復位太官令返
復位諸祝史各取蕭稷黍擣於脂燔於爐炭
還尊所太官丞引七祀配享功臣饌入祝史
迎引於座首各設於神座前太官丞退復位
謁者引太尉詣洗位北向立齋郎以籠取爵
立於洗西太尉取爵於籠洗爵拭爵以授齋
郎齋郎以籠受爵詣泰階以授祝史祝史受

籩取爵置尊所坫上謁者引太尉升自東階
詣太祖尊彝所登歌作夾鍾宮大定之曲文
德之舞作祝史取爵於坫授太尉太尉搯笏
執爵祝史去翼太尉酌犧尊之泛齊謁者引
太尉詣太祖神座前西向跪奠爵小北執笏
俛伏興謁者引太尉詣尊所祝史又授副爵
太尉搯笏執爵酌泛齊訖謁者引太尉跪奠
爵小南執笏俛伏興謁者引太尉小退西向
立樂止祝史持祝版進神座之右北向跪讀

祝文訖俛伏興樂作太尉小北再拜小南又
再拜訖樂止謁者引太尉詣次位酌獻並如
上儀昭穆諸位奏曲及奠爵讀祝拜禮並如
親享儀謁者引太尉詣飲福位西向立諸祝
史各以爵酌疊福酒合置一爵一祝史持爵
進太尉之左北向立太尉再拜受爵跪祭酒
啐酒奠爵諸祝史持胙俎進減神位前胙肉
合置一俎又以籩減稷黍飯於簋合置一籩
以授太尉太尉受以授齋郎取爵遂飲卒爵

祝史進受虛爵復於坫太尉興再拜謁者引
太尉降復位文舞退軒架奏無射宮崇安之
曲出訖樂止武舞進軒架奏無射宮崇安之
曲舞者立定樂止初太尉將復位謁者引太
常卿詣洗位盥手洗爵訖謁者引太常卿升
自東階詣太祖尊彝所軒架奏無射宮武安
之曲鄉樂交奏武功之舞作祝史去罍太常
卿酌象尊之醴齊詣太祖神座前西向跪奠
爵俛伏興又詣尊所酌醴齊進后妃神座前

跪奠爵俛伏興小退再拜又再拜以次酌獻
並如上儀訖樂止謁者引太常卿詣飲福位
西向立諸祝史各以爵酌罍福酒合置一爵
一祝史持爵進太常卿之左北向立太常卿
再拜受爵跪祭酒遂飲卒爵祝史進受虛爵
復於坫太常卿興再拜訖謁者引太常卿降
復位初太常卿獻將畢謁者引光祿卿詣洗
位盥洗升酌著尊之盞齊終獻如亞獻之儀
訖樂止引光祿卿降復位初光祿卿將升贊

引引配享功臣獻官詣罍洗盥洗詣酒尊所
執尊者去罍獻官酌酒諸助奠者皆酌酒贊
引引獻官進詣首座前東向奠爵諸助奠者
各進奠於座前九室功臣奠爵畢祝史持教
書進首座之右立讀訖獻官揖贊引引獻官
還本位初功臣獻官詣洗位贊引引七祀獻
官詣罍洗盥洗詣酒尊所執尊者去罍獻官
酌酒贊引引獻官進跪奠於司命神位前少
退西向立獻官唯獻司命餘座齋郎助奠祝

史持祝版進神座之右北向跪讀訖獻官再
拜贊引引獻官還本位登歌作夾鍾宮恭安
之曲諸祝史進徹豆還尊所配享功臣祝史
及七祀祝史各進徹豆還尊所登歌止奉禮
曰賜胙再拜在位官皆再拜受福酒者不拜
送神軒架奏黃鍾宮永安之曲鄉樂交奏奉
禮曰再拜衆官在位者皆再拜樂一成止謁
者詣太尉之左白禮畢謁者引太尉贊引引
諸享官以次出贊引引御史以下俱復執事

位立定奉禮曰再拜御史以下皆再拜贊引
引出太樂令帥工人二舞以次出太廟令與
祝史宮闈令以腰輿升納神主如常儀祝板
燔於齋坊 太尉復命太尉以下諸享官執
事者各還齋所住一刻頂有司陳鹵簿於齋
坊南門外如來儀太尉與群官詣太廟東門
外再拜至南門外以次上馬擊鼓吹角行至
昇平門外下馬入門序立再拜訖各退

禘祫功臣配享於庭

太祖室太師開國武烈公裴玄慶太師開國
忠烈公洪儒太師開國武恭公卜智謙太師
開國壯節公申崇謙太師開國忠節公庾黔
弼太傅熙愷公崔凝 憲宗室太師開國嚴
毅公朴述希太師開國克翼公金堅術 定
宗室守太師開國威靜公王式廉 光宗室
太師匡衛公劉新城太師內史令開國貞敏
公徐弼 景宗室太師開國匡益公朴良柔
太師開國敏休公崔知夢 成宗室太師內

史今匡彬公崔亮太師內史今文貞公崔承
老太尉內史今貞憲公李夢游太師內史今
章威公徐熙司徒內史今李知白 穆宗室
太師內史今貞信公韓彥恭太師門下侍中
忠懿公崔肅太尉門下侍中金承祚 顯宗
室太師門下侍中仁憲公姜邯贊太師贈門
下侍中節義公崔沅太師內史今貞肅公崔
士威太師中書今英肅公主可道 德宗室
太尉門下侍郎平章事襄懿公柳韶 靖宗

室太師內史今元肅公徐訥太師門下侍中
景文公黃周亮太師中書今文憲公崔冲守
司徒門下侍中貞簡公金元冲 文宗室太
尉門下侍中順恭公崔齊顏太師中書今章
和公李子淵太師中書今景肅公王寵之太
師中書今文和公崔惟善 順宗室守司徒
門下侍中文忠公李靖恭 宣宗室守太尉
門下侍中長淵縣開國伯貞獻公文正守司
徒門下侍中匡肅公柳洪守太尉門下侍郎

平章事文貞公金上琦 獻宗 肅宗室
守太尉門下侍中忠謙公邵台輔守司空左
僕射叅知政事景烈公王國髦守太尉中書
令忠景公崔思諤 睿宗室守司空中書侍
郎平章事貞簡公柳仁著守太師門下侍中
鈴平伯文肅公尹瓘守太傅門下侍中文成
公金仁存守太保門下侍中忠烈公魏繼廷
仁宗室守太傅中書令樂浪侯文烈公金富
軾守太尉門下侍郎平章事莊景公崔思全

一浮

宗室平章事崔允儀平章事恭肅公庾弼
平章事文公元 明宗室平章事文定公尹
鱗瞻平章事忠肅公文克謙 神宗室門下
侍中文景公趙永仁 熙宗室平章事文懿
公崔詵平章事良淑公任濡 康宗室叅知
政事翊烈公鄭克溫 高宗室平章事文正
公趙冲侍中李抗侍中威烈公金就礪 元
宗室平章事李世材平章事蔡楨 忠烈王
室中贊文敬公許珙中贊文良公薛公儉

一浮

平章事文貞公金上琦 獻宗 肅宗室
守太尉門下侍中忠謙公邵台輔守司空左
僕射叅知政事景烈公王國髦守太尉中書
令忠景公崔思諤 睿宗室守司空中書侍
郎平章事貞簡公柳仁著守太師門下侍中
鈴平伯文肅公尹瓘守太傅門下侍中文成
公金仁存守太保門下侍中忠烈公魏繼廷
仁宗室守太傅中書令樂浪侯文烈公金富
軾守太尉門下侍郎平章事莊景公崔思全

毅宗室平章事崔允儀平章事恭肅公庾弼
平章事文公元 明宗室平章事文定公尹
鱗瞻平章事忠肅公文克謙 神宗室門下
侍中文景公趙永仁 熙宗室平章事文懿
公崔詵平章事良淑公任濡 康宗室叅知
政事翊烈公鄭克溫 高宗室平章事文正
公趙冲侍中李抗侍中威烈公金就礪 元
宗室平章事李世材平章事蔡楨 忠烈王
室中贊文敬公許珙中贊文良公薛公儉

忠宣王室中贊忠正公洪子藩中贊文靖公
鄭可臣 忠肅王 關 忠惠王室政丞思肅
公韓渥叅理李揆 忠穆王 關 忠定王室
鐵城府院君文貞公李崑興安府院君文忠
公李仁復 恭愍王室政丞正獻公王煦雞
林府院君文忠公李齊賢益城府院君文忠
公李公遂夏城府院君襄平公曹益清瑞寧
君文僖公柳淑

志卷第十四

志卷第十五

高麗史六十一

正憲大夫曹判書集賢殿提學知 經筵春秋館事兼成均大司成臣鄭麟趾奉 教修

禮三

三子下 太廟

太廟四孟月及臘親享儀 齋戒前享七日
行事執事官誓戒散齋致齋並如禘享儀
陳設前享三日尚舍局設大次於廟東門外
道北南向少次於阼階東稍北南向鋪玉座

三子下 太廟

忠宣王室中贊忠正公洪子藩中贊文靖公
鄭可臣 忠肅王 關 忠惠王室政丞思肅
公韓渥叅理李揆 忠穆王 關 忠定王室
鐵城府院君文貞公李崑興安府院君文忠
公李仁復 恭愍王室政丞正獻公王煦雞
林府院君文忠公李齊賢益城府院君文忠
公李公遂夏城府院君襄平公曹益清瑞寧
君文僖公柳淑

志卷第十四

志卷第十五 高麗史六十一

正憲大夫曹判書集賢殿提學知 經筵春秋館事兼成均大司成臣鄭麟趾奉 教修

禮三

三子下 太廟

太廟四孟月及臘親享儀 齋戒前享七日
行事執事官誓戒散齋致齋並如禘享儀
陳設前享三日尚舍局設大次於廟東門外
道北南向少次於阼階東稍北南向鋪玉座

六 例前分

如常儀守宮設文武侍臣行事官及有司次於廟門之內隨地之宜設饌幔於東門外前享二日宮闈令帥其屬掃除廟之內外掌牲令牽牲詣享所太樂令陳登歌之樂於廟堂上前楹間稍南北向設軒架於廟庭前享一日奉禮郎設王位版於東階東南西向飲福位於堂上前楹外近東西向亞終獻飲福位在王位之後贊者設亞終獻享官及七祀獻官位於王位之後稍南西向執事者位於其

後每等異位俱重行西向北上設監察御史位二一於西階下東向一於東階下西向設奉禮位於樂懸東北贊者二人在南差退俱西向協律郎位二一於堂上前楹外近西一於軒架西北俱東向太樂令位於軒架之北北向文班九品以上位於東門之內廟庭東階下每等異位俱重行西向北上武班九品以上位於西門之內廟庭西階下當文官每等異位俱重行東向北上設門外位享官公

卿位於東門外道南每等異位重行北向西
上文班九品以上位於享官公卿之東每等
異位重行北向西上武班九品以上位於西
門之外道南每等異位重行北向東上設牲
勝於東門外當門西向以南爲上掌牲令位
於牲西南吏陪其後設諸太祝位於牲東各
當牲後祝史各陪其後俱西向設太常卿省
牲位於牲前近北又設御史位於太常卿之
西俱南向太廟令帥其屬設籩豆簋簠之位

於室戶內神座前凡祭器皆藉以席籩豆簋
簠又加蓋罍每室籩十二在左爲二行右上
豆十二在右爲二行左上俎二一在籩南一
在籩豆之間簋簠各四在籩豆間簋居前簠
次之甗釶各六分在籩豆間甗居前釶次之
玉爵六在籩豆南又設尊彝之位於室戶外
之左每室春夏雞彝一鳥彝一犧尊二象尊
二山罍二爲四行第一行雞彝鳥彝第二行
犧尊第三行象尊第四行山罍秋冬及臘犆

彝一黃彝一著尊二壺尊二山罍二爲四行
皆加勺罍第一行畢彝黃彝第二行著尊第
三行壺尊第四行山罍以右爲上各有坫以
置瓚爵每室設瓚盤一於尊所坫上設爐炭
於前楹間設祝坫於每室戶外之右稍前設
福酒爵有坫胙肉俎飯籩各一於尊彝前又
饌幔內每位各設毛血豆肝膋豆簫籩稷黍
籩各一飯籩羹釧肉盤各一第一位又設俎
一毛血肝膋之豆與簫稷黍之籩直設於饌

幔其飯籩羹釧肉盤俎於各室陳設告潔後
進饌者入徹出設於饌幔俟迎饌時入奠又
設七祀位於廟庭之西稍南東向北上神席
皆以莞位版各設於座首春祀司命戶夏祀
竈季夏祀中霤秋祀門厲冬祀行唯臘享遍
祭之設祭器每位左二籩右二豆俎一在神
座前木爵一次之簋二籩二在籩豆之間簋
在左簋在右壺尊二設於神座之左加勺罍
設祝版於神座之右設玉洗二於東階東南

比向盥洗在東爵洗在西罍在洗東加勺篚
在洗西南肆篚實以珪瓚巾爵俱以副篚覆
之亞終獻爵篚亦同又設亞終獻洗二於王
洗東南如上儀凡洗王及王太子行事皆有
盤匱亞終獻以下及攝事者皆無盤匱又設
七祀獻官洗於七祀神位之南北同罍在洗
東篚在洗西南肆篚實以巾爵執尊罍篚罍
者各位於尊罍篚罍之後鑿駕出宮如禘享
儀 省牲器省牲之日午後八刻廟所禁斷

行人宮闈令整拂神幄執事者以祭器入設
於神位如陳設儀未後三刻執禮官奉禮贊
者先入庭謁者贊引各引享官御史俱就位
隸儀訖掌牲令牽牲就榜位謁者引太常卿
贊引引御史自阼階升堂視滌濯執尊者皆
去罍告潔訖引降就省牲位南向立掌牲令
小前曰請省牲退復位太常卿省牲掌牲令
又前舉手曰肅還本位諸太祝各廵牲一匝
西向舉手曰充還本位諸太祝與掌牲令以

次牽牲詣廚授太官謁者引光祿卿詣廚省
鼎鑊申視滌漑監取明水火贊引引御史詣
廚省饌具協律郎展視樂器訖各還齋所進
饌者入徹邊豆簠簋以出置饌所享日
未明五刻太官令帥宰人以鷹刀割牲祝史
以豆取毛血又取肝洗於鬱鬯并胾骨實於
豆各置饌所遂烹牲 晨裸享日未明四刻
諸享官及從享之官各服其服執禮官先入
廟庭太廟令良醞令各帥其屬入實尊彝春

夏雞彝實明水鳥彝實鬱鬯犧尊二一實明
水一實醴齊象尊二一實明水一實盞齊山
罍二一實玄酒一實清酒秋冬與臘率彝實
明水黃彝實鬱鬯著尊二一實明水一實醴
齊盞尊二一實明水一實盞齊山罍之實如
春夏太官令帥進饌者實諸邊豆簠簋籩第
一行實以形鹽魚鱸乾棗栗黃榛子菱仁第
二行芡仁鹿脯白餅黑餅糗餌粉飡豆第一
行實以韭菹醢醢菁菹鹿醢芹菹兔醢第二

行筭菹魚醢脾析菹豚拍醢食糝食簋實以
稻粱簋實以黍稷斝實以大羹釶實以肉羹
加芼滑盩南俎載牲左脇盤盩豆間俎載熟
肉盤凡享神之物當時所無者以時物代之
太廟令設燭於神位前又良醞今太官令帥
其屬入實七祀位禮饌盩實以栗黃鹿脯豆
實以菁菹鹿醢簋實以黍稷簋實以稻粱壺
尊二皆實祠祭法酒俎載牲牢盤監察御史
接視堂之上下糾察不如儀者還出謁者贊

引引太尉以下諸享官皆就門外位奉禮贊
者先入就位再拜贊引引御史太廟令太祝
宮闈令祝史齋郎執尊罍籩罍者及七祀祝
史齋郎執尊罍籩罍者入自東門當階閒樂
懸北重行北向西上立定奉禮曰再拜贊者
承傳御史以下皆再拜訖執尊罍籩罍者各
就位贊引引御史諸太祝詣東階升堂御史
行掃除於上令史掃除於下訖復位贊引引
太廟宮闈令自東階升堂詣太祖室入開墼

室太祝宮闈令奉出神主置於座以次奉出
惠宗以下如太祖儀后妃神主俱竝座而處
右太祝薦香酒俱復位駕將至謁者贊引引
享官通事舍人分引文武從享之官俱就門
外位太樂令帥工人二舞入就位文舞入陳
於懸北武舞入陳於懸南道西訖謁者引司
空入就位立定奉禮曰再拜司空再拜謁者
引司空詣東階升堂行掃除於上降行樂懸
於下引復位謁者贊引各引太尉以下享官

及七祀獻官通事舍人分引從享群官入就
位未明一刻侍中版奏外辦王服袞冕以出
繖扇華蓋侍衛如常儀至大次入次簾降有
司具祝版太廟令以祝版進王署訖近臣奉
出太廟令受各奠於坫侍中版奏外辦簾卷
王出次侍衛如常儀太常博士引太常卿太
常卿前導王至東門外尚衣奉御以圭授殿
中監監受進王執圭華蓋侍衛停於門外王
入自正門堂下協律郎跪俛伏舉麾興工鼓

祝軒架奏無射宮正安之曲至版位西向立
樂止王立定太常卿與博士退立於左太常
卿前奏稱請再拜退復位王再拜奉禮曰衆
官再拜在位者皆再拜其先拜者不拜太常
卿前奏有司謹具請行事退復位協律郎舉
麾興軒架奏黃鍾宮興安之曲文德之舞作
黃鍾三奏大呂大簇應鍾各再奏樂九成偃
麾樂止太常卿前奏稱請再拜王再拜奉禮
曰衆官再拜在位者皆再拜太常卿前導王

詣盥洗位軒架奏無射宮正安之曲至洗位
北向立樂止殿中監進受圭侍中跪取匱興
沃水內侍跪取盤興承水王盥手黃門侍郎
跪取巾於篚興以進王悅手黃門侍郎受巾
跪奠於篚祝史以篚取瓚進跪於洗西黃門
侍郎跪取瓚於篚興以進王受瓚侍中酌壘
水內侍跪取槃興承水王洗瓚黃門侍郎跪
取巾於篚興以進王拭瓚訖黃門侍郎受巾
跪奠於篚侍中以篚跪受瓚祝史傳受詣奉

階授太祝太祝受籩取瓚置玷上瓚盤殿中
監進圭王執圭太常卿前導王軒架奏無射
宮正安之曲升自阼階訖樂止侍中中書令
以下及左右量人從升太常卿前導王詣太
祖尊彝所登歌作夾鍾宮順安之曲執尊者
去爲侍中取瓚於盤西向跪進王搢圭執瓚
侍中贊酌鬱鬯太常卿前導王入詣太祖神
座前北向跪以鬯裸地訖侍中受瓚以授太
祝太祝以盤受瓚訖王執圭俛伏興太常卿

前導王出戶北向再拜訖太常卿前導王以
次詣惠宗以下諸室裸鬯竝如上儀訖登歌
止太常卿前導王降自阼階軒架奏無射宮
正安之曲至版位西向立樂止初衆官拜訖
祝史各奉毛血及肝膋之豆立於東門外齋
郎奉蕭稷黍各立於肝膋之後於登歌止祝
史奉毛血肝膋與奉蕭稷黍者以次入自正
門詣泰階諸太祝各迎取毛血肝膋於階上
俱入奠於神座前其蕭稷黍各置爐炭側諸

高麗書卷六十一
太祝俱取肝出燔於爐炭還尊所饋食王
既升裸太官令出帥進饌者奉饌陳於東門
之外重行西向以南爲上謁者引司徒出詣
饌所司徒奉太祖之俎初王既至版位樂止
太官令引饌入自正門俎初入門軒架奏豐
安之曲饌至泰階樂止太祝俱進徹毛血之
豆自阼階授祝史以出司徒升自泰階入詣
太祖神座前北向跪奠諸太祝各奠俎饌升
諸太祝各迎取於階上入設神座前設訖謁

者引司徒降自阼階復位太官令退復位諸
太祝各取蕭稷黍糝於脂燔於爐炭還尊所
太官丞引七祀饌入祝史迎引於座首各設
於神座前太官丞退復位太常卿前導王詣
盥洗位軒架奏無射宮正安之曲至洗位北
向立樂止祝史奉爵篚跪於洗西黃門侍郎
取爵於篚以進王洗爵拭爵侍中黃門侍郎
內侍贊洗如晨裸之儀訖殿中監進圭王執
圭太常卿前導王軒架奏無射宮正安之曲

升自阼階訖樂止太常卿前導王詣太祖尊
所太祝去罍侍中取爵於站進王揖主受爵
侍中贊酌犧尊之醴齊秋冬與臘酌著尊之
醴齊軒架奏無射宮人定之曲文德之舞作
太常卿前導王入詣太祖神座前北向跪奠
爵小東俛伏興太常卿前導王出尊所侍中
又進副爵贊酌訖太常卿前導王入奠爵小
西俛伏興太常卿引王出戶北向立樂止太
祝持祝板進室戶外之右東向跪讀祝文訖

俛伏興樂作王小東再拜小西又再拜訖樂
止太常卿前導王詣次室酌獻竝如上儀憲
宗以下各室奏曲並如親禘訖樂止太常卿
前導王至飲福位西向立登歌作禧安之曲
王獻將訖謁者引司徒詣阼階升立於飲福
位之南北向內侍二人從升立於司徒之右
俱北向王獻訖諸太祝以爵酌上尊福酒各
置一爵一太祝持爵授侍中侍中受北向進
王再拜受爵跪祭酒啐酒奠爵諸太祝持胙

俎進減神座前胙肉合置一俎又以籩減稷
黍飯於簋合置一籩以授司徒司徒受北向
跪以進王受以授內侍太祝又以胙肉授司
徒司徒受進王受以授內侍內侍跪受訖謁
者引司徒降復位侍中以爵酒進王受爵遂
飲卒爵侍中受虛爵以授太祝太祝受爵復
於坫還尊所王俛伏興再拜訖登歌止太常
卿前導王降自阼階軒架奏無射宮正安之
曲至版位西向立樂止文舞退軒架奏無射

宮崇安之曲出訖樂止武舞進軒架奏無射
宮崇安之曲舞者立定樂止初王將復位謁
者引亞獻官詣盥洗位北向立齋郎二人贊
洗亞獻盥手祝史以篚取爵立於洗西亞獻
取爵於篚洗爵拭爵以授祝史祝史以篚受
爵詣泰階以授太祝太祝受篚取爵置尊所
坫上謁者引亞獻升自阼階詣太祖尊彝所
軒架奏無射宮武安之曲武功之舞作鄉樂
交奏太祝去罍亞獻酌象尊之盎齊秋冬與

臘則酌壺尊之盞齊詣太祖神座前北向跪
奠爵俛伏興又詣尊所酌盞齊進后妃神座
前跪奠爵俛伏興出戶外北向再拜以次酌
獻並如上儀訖樂止謁者引亞獻詣飲福位
西向立諸太祝各以爵酌罍福酒合置一爵
一太祝持爵進亞獻之左北向立亞獻再拜
受爵跪祭酒遂飲卒爵太祝進受虛爵復於
坵亞獻興再拜謁者引降復位初亞獻將畢
謁者引終獻官詣罍洗盥洗升酌象尊之盞

齊樂作秋冬與臘酌壺尊之盞齊終獻如亞
獻之儀訖樂止引終獻官降復位初終獻官
將升贊引引七祀獻官詣罍洗盥洗詣酒尊
所執尊者去罍獻官酌酒贊引引獻官進西
向跪奠於神位前以次奠訖小退西向立祝
史持祝版進神座之右北向跪讀祝文訖獻
官再拜贊引引獻官還本位登歌作夾鍾宮
恭安之曲諸太祝入室徹豆還尊所七祀祝
史進徹豆還尊所登歌止奉禮曰賜胙再拜

在位官皆再拜已飲福者不拜送神軒架奏黃鐘宮永安之曲鄉樂交奏太常卿前奏請再拜王再拜奉禮曰衆官再拜在位官皆再拜樂一成止太常卿前奏禮畢太常卿前導王還大次軒架奏無射宮正安之曲出門樂止殿中監受圭以授尚衣奉御華蓋侍衛如常儀謁者贊引引享官通事舍人分引從享群官以次出贊引引御史以下俱復執事位立定奉禮曰再拜御史以下皆再拜太樂令

帥工人二舞以次出太廟令與太祝宮闈令納神主如常儀祝版燔於齋坊鑿駕還宮如禘享儀 有司攝事 齋戒及受祝版並如禘享攝事儀 陳設前享三日守宮設太尉以下享官次於齋坊之內設饌幔於東門外前享二日宮闈令帥其屬掃除廟之內外掌牲令牽牲詣享所太樂令陳登歌之樂於廟堂上前楹間稍南北向設軒架於廟庭前享一日奉禮郎設太尉位版於東階東南西向

飲福位於堂上前楹外近東西向設享官公
卿及七祀獻官位於太尉之後稍南執事者
位於其後每等異位俱重行西向北上設監
察御史位二一於西階下東向一於東階下
西向設奉禮位於樂懸東北贊者二人在南
差退俱西向協律郎位於堂上前楹外近西
東向太樂令位於軒架之北北向設門外位
太尉以下諸享官及執事者位於東門外道
南每等異位重行北向西上設牲牓於東門

外當門西向以南爲上設掌牲令位於牲西
南吏陪其後設諸祝史位於牲東各當牲後
齋郎各陪其後俱西向設太常卿省牲位於
牲前近北又設御史位於太常卿之西俱南
向太廟令帥其屬設籩豆簋簋之位於室戶
內神座前每室籩十二在左爲二行右上豆
十二在右爲二行左上俎二一在籩南一在
籩豆之間簋簋各四在籩豆間簋居前簋次
之甗釔各六在籩豆間甗居前釔次之王爵

六在籩豆南又設尊彝之位於室戶外之左
每室春夏雞彝一鳥彝一犧尊二象尊二山
罍二爲四行第一行雞彝鳥彝第二行犧尊
第三行象尊第四行山罍秋冬及臘尊彝一
黃彝一著尊二盞尊二山罍二爲四行第一
行尊彝黃彝第二行著尊第三行盞尊第四
行山罍以右爲上加勺罍尊彝皆有坫以置
瓚爵每室設瓚盤一於尊彝之所設爐炭於
前楹間設祝坫於每室戶外之右稍前設福

酒爵有坫胙肉俎飯籩各一於尊彝前又饌
幔內每位各設毛血豆肝膋豆蕭籩稷黍籩
各一飯籩羹釧肉盤各一第一位又設俎一
毛血肝膋之豆與蕭稷黍之籩直設於饌幔
其飯籩羹釧肉盤俎於各室陳設告潔後進
饌者入徹出設於饌幔俟迎饌時入奠又設
七祀位於廟庭之西稍南東向北上神席皆
以莞位版各設於座首春祀司命戶夏祀竈
季夏祀中雷秋祀門厲冬祀行臘享遍祭設

祭器每位左二盞右二豆俎一在神座前木
爵一次之盞二盞二在盞豆之間盞在左盞
在右壺尊二設於神座之左加勺罍設祝坫
於神座之右設罍洗於東階東南北向盥洗
在東爵洗在西罍在洗東加勺篚在洗西南
肆篚實以珪瓚巾爵俱以副篚覆之又設七
祀獻官洗於七祀神位之南北向罍在洗東
篚在洗西南肆篚實以巾爵執尊罍篚罍者
各位於尊罍篚罍之後省牲器並如禘享攝

事儀 晨裸享日未明四刻諸享官及從享
之官各服其服執禮官先入廟庭太廟令良
醢令各帥其屬入實尊彝春夏雞彝實明水
鳥彝實鬱鬯犧尊二一實明水一實醴齊象
尊二一實明水一實盞齊山罍二一實玄酒
一實清酒秋冬與臘烝彝實明水黃彝實鬱
鬯著尊二一實明水一實醴齊壺尊二一實
明水一實盞齊山罍之實如春夏太官令帥
進饌者實諸籩豆盞篚瓚鉶及俎如親享儀

太廟今設燭於神位前又良醞令太官令帥其屬入實七祀位禮饌籩實以栗黃鹿脯豆實以菁藟鹿醢簋實以黍稷簠實以稻粱壺尊二皆實祠祭法酒俎載牲牢盤監察御史按視堂之上下糾察不如儀者還出謁者贊引引太尉以下諸享官皆就門外位奉禮贊者先入就位再拜贊引引御史太廟令宮闈令祀史齋郎執尊罍篚者及七祀祝史齋郎執尊罍篚者入自東門當階間樂懸北

重行北向西上立定奉禮曰再拜贊者承傳御史以下皆再拜訖執尊罍篚者各就位贊引引御史諸祝史詣東階升堂御史行掃除於上令史掃除於下訖復位贊引引太廟宮闈令自東階升堂詣太祖室入開堦室宮闈令祝史捧出神主置於座以次奉出惠宗以下如太祖儀后妃神主但竝坐處右太祝薦香酒俱復位太樂令帥工人二舞入就位文舞入陳於懸北武舞立於懸南道西訖謁

者引司空入就位立定奉禮曰再拜司空再
拜謁者引司空詣東階升堂行掃除於上降
行樂懸於下引復位謁者引太尉贊引引諸
享官及七祀獻官入就位奉禮曰再拜太尉
以下衆官在位者皆再拜其先拜者不拜謁
者進太尉之左白有司謹具請行事退復位
協律郎俛伏舉麾與軒架奏黃鐘宮與安之
曲文德之舞作黃鐘三奏大呂大簇應鐘各
再奏樂九成偃麾樂止奉禮曰再拜太尉以

下衆官在位者再拜謁者引太尉詣洗位北
向立齋郎沃水太尉盥手帨手訖齋郎以篚
取瓚進立於洗西太尉取瓚於篚齋郎酌盥
水太尉洗瓚拭瓚以授齋郎齋郎以篚受瓚
詣泰階以授祝史祝史受篚取瓚以置尊所
坫上謁者引太尉升自東階詣太祖尊彝所
登歌作夾鍾宮順安之曲祝史以瓚授太尉
太尉執瓚祝史去鼎太尉酌鬱鬯謁者引太
尉入詣太祖神座前北向跪以鬯裸地訖以

禮記卷六十一
十二
瓚授祝史祝史受瓚訖太尉俛伏興謁者引
太尉出戶北向再拜訖謁者引太尉以次詣
惠宗以下各室裸鬯並如上儀訖登歌止謁
者引太尉降復位初衆官拜訖齋郎各奉毛
血及肝膋之豆立於東門外又齋郎奉蕭黍
稷各立於肝膋之後於登歌止奉毛血肝膋
與奉蕭黍者以次入自正門詣泰階諸祝
史各迎取毛血肝膋於階上俱入奠於神座
前其蕭黍各置爐炭側諸祝史俱取肝出

燔於爐炭還尊所饋食太尉既升裸太官
今出帥進饌者奉饌陳於東門之外重行西
向以南爲上謁者引司徒出詣饌所奉太祖
之俎太尉既降復位太官令引饌入自正門
俎初入門軒架奏無射宮豐安之曲饌至泰
階樂止諸祝史進徹毛血之豆自東階授齋
郎以出司徒升自泰階詣太祖神座前北向
跪奠俛伏興諸祝史各奠俎饌升諸祝史各
迎取於階上入設於神座前設訖謁者引司

禮記卷之二十一
二十
後降自東階復位太官令退復位諸祝史各
取蕭黍稷擣於脂燔於爐炭還尊所太官丞
引七祀饌入祝史迎引於座首各設於神座
前太官丞退復位謁者引太尉詣洗位北向
立盥手訖齋郎以籠取爵立於洗西太尉取
爵於籠洗爵拭爵以授齋郎齋郎以籠受爵
詣泰階以授祝史祝史受籠取爵置尊所站
上謁者引太尉升自東階詣太祖尊彝所登
歌作夾鍾宮大定之曲文德之舞作祝史取

爵於坫授太尉太尉執爵祝史去罍太尉酌
犧尊之醴齊秋冬與臘酌著尊之醴齊謁者
引太尉入詣太祖神座前北向跪奠爵小東
俛伏興謁者引太尉出尊所祝史又授副爵
太尉執爵酌醴齊訖謁者引太尉入奠爵小
西俛伏興謁者引太尉出戶北向立樂止祝
史持祝版進室戶外之右東向跪讀祝文訖
俛伏興樂作太尉小東再拜小西又再拜訖
謁者引太尉詣次室酌獻並如上儀惠宗以

下各室奏曲並如親享樂止謁者引太尉詣
飲福位西向立諸祝史各以爵酌鬯福酒合
置一爵一祝史持爵進太尉之左北向立太
尉再拜受爵跪祭酒啐酒奠爵諸祝史持胙
俎進減神位前胙肉合置一俎又以籩減糝
黍飯於簋合置一籩以授太尉太尉受以授
齋郎取爵遂飲卒爵祝史進受虛爵復於坫
太尉興再拜謁者引太尉降復位文舞退軒
架奏無射宮崇安之曲出訖樂止武舞進軒

架奏無射宮崇安之曲舞者立定樂止初太
尉將復位謁者引太常卿詣洗位盥手洗爵
如上儀謁者引太常卿升自東階詣太祖尊
彝所軒架奏無射宮武安之曲武功之舞作
鄉樂交奏祝史去罍太常卿酌象尊之盞齊
秋冬與臘酌壺尊之盞齊詣太祖神座前北
向跪奠爵俛伏興又詣尊所酌盞齊入奠爵
俛伏興出戶北向再拜又再拜以次酌獻如
上儀訖樂止謁者引太常卿詣飲福位西向

立諸祝史各以爵酌鬯福酒合置一爵一祝
史持爵進太常卿之左北向立太常卿再拜
受爵跪祭酒遂飲卒爵祝史進受虛爵復於
坵太常卿興再拜訖謁者引太常卿降復位
初太常卿獻將畢謁者引光祿卿詣洗位盥
洗升酌盞齊終獻如亞獻之儀樂止引光祿
卿降復位初光祿卿將升贊引引七祀獻官
詣洗位盥手洗爵訖詣酒尊所執尊者去羃
獻官酌酒贊引引獻官進神位前西向跪奠

少退西向立祝史持祝版進神座之右北向
跪讀祝文訖獻官再拜贊引引獻官還本位
登歌作夾鍾宮恭安之曲諸祝史入室徹豆
還尊所七祀祝史進徹豆還尊所登歌止奉
禮曰賜胙再拜在位官皆再拜已受福酒者
不拜送神軒架奏黃鍾宮永安之曲鄉樂交
奏奉禮曰再拜衆官在位者皆再拜樂一成
止謁者詣太尉之左白禮畢謁者引太尉贊
引引諸享官以次出贊引引御史以下俱復

古禮卷之十一 二十四
執事位立定奉禮曰再拜御史以下皆再拜
太樂令帥工人二舞以次出太廟令與祝史
宮闈令納神主如常儀祝版燔於齋坊太尉
復命如禘享攝事儀 朔望薦新祈禱及奏
告儀 前享三日應行事執事官散齋一日
宿於正寢清齋一日於本司致齋一日於享
所前享一日宮闈令先到享所帥其屬掃除
廟室之內外設享官行事執事位於廟庭東
階之南西向北上贊者在南差退及辦饌具

朔祭則具小牢饌蓋庶品祈禱報祀如之望
祭則饌羞數同唯不用肉奏告並以清酌二
月望薦冰若春分之日在望後則以別日薦
之四月望薦麥櫻桃七月望薦黍稷粱米八
月望薦麻子九月望薦稻米十二月望薦魚
每朔皆用中氣若中氣在望後則用來月朔
各設祝版加玷上置於神座之右享日丑前
五刻贊者謁者引御史太廟宮闈令祝史齋
郎入廟庭當中北向西上再拜各就位宮闈

今與祝史升自阼階詣太祖室入開墀室祝
史奉出神主置於座東王西后以次奉出惠
宗以下神主訖謁者引獻官入就拜位西向
立贊者喝獻官再拜謁者引獻官升自阼階
詣太祖室神座前上香酒俛伏興少退北向
立祝史持祝版進神座之右東向跪讀訖獻
官再拜小西又再拜以次入室上香酌獻如
上儀訖出就飲福位西向立祝史酌福酒就
獻官之左獻官再拜飲卒爵置於坵再拜降

階就拜位西向立贊者喝獻官再拜謁者引
出祝史納神主於墀室如常儀祝版藏於齋
坊謁者引御史以下就庭中拜位再拜如初
引出

5. 三子

別廟 毅宗時太廟太祖惠宗顯宗文宗
順宗宣宗肅宗睿宗仁宗別廟定
宗光宗景宗成宗
穆宗德宗靖宗

別廟禘祫享四時常享及臘享攝事儀 齋
戒凡享官及預事官隨太廟獻官誓戒如式
陳設前享三日守宮設獻官及諸執事官

次於齋坊之內設饌幔於廟室東前享二日
宮闈令帥其屬掃除廟之內外掌牲令牽牲
詣享所奉禮設獻官位版於廟庭東南西向
飲福位於堂上前楹外近東西向諸享官位
於獻官之後稍南西向執事者位於其後設
奉禮位於獻官西南贊者在南差退俱西向
太官令帥其屬入設籩豆簋簠於室內神座
前左十二籩右上右十二豆左上俱爲二行
俎二一在籩南一在籩豆之間簋簠各四

籩豆間簋居前籩次之甗釶各六在籩豆間
甗居前釶次之玉爵六在籩豆南又設尊彝
位於室戶外之左雖彝一虎彝一犧尊二象
尊二著尊二山罍二爲二重以右爲上尊彝
皆有坫以置瓚爵俱加勺罍時享則春夏雞
彝一鳥彝一犧尊二象尊二山罍二秋冬棠
彝一黃彝一著尊二壺尊二山罍二臘享與
冬享同設瓚盤一於尊彝之所設爐炭於前
楹閒設祝坫於室戶外之右稍前設福酒爵

有坩胙肉俎飯籩各一於尊彝前又饌幔內
設毛血豆肝腎豆蕭籩稷黍籩各一飯籩羹
釧肉盤各一毛血肝腎之豆與蕭稷黍之籩
直設於饌幔其飯籩羹釧肉盤俎於陳設告
潔後進饌者入徹出設於饌幔俟迎饌時入
奠又設配享功臣位於南階東南西向北上
席皆以莞位版各設於座首每位設左二籩
右二豆俎一在神座前木爵一次之簋一簋
一在籩豆之間簋在左簋在右壺尊二設於

神座之左加勺罍設獻官洗於南階東南北
向盥洗在東爵洗在西罍在洗東加勺籩在
洗西南肆籩實以珪瓚巾爵有副籩又設功
臣獻官洗於獻官洗之東南北向罍在洗東
籩在西南肆籩實以巾爵其執尊罍籩罍者
各立於尊罍籩之後 省牲器前享一日
午後八刻禁斷行人宮闈令整拂神幄執事
者以祭器入設於神位未後三刻奉禮贊者
先入庭謁者贊引各引享官俱就位肄儀謁

者引獻官及諸執事官自東階升視滌濯執
尊者皆去纁告潔引降視牲之肥腩授太官
令進饌者入徹籩豆簠簋鉶俎以出設饌幔
內享日未明五刻太官令帥宰人以鷹刀割
牲祝史以豆取毛血又取肝洗於鬱鬯并脾
臂實於豆置饌所遂烹牲享日未明四刻獻
官及從享之官各服其服良醢令帥其屬入
實尊鬯雝彝實明水虎彝實鬱鬯犧尊二一
實明水一實泛齊象尊二一實明水一實醴

齊著尊二一實明水一實盞齊山罍二一實
玄酒一實清酒堂下壺尊二一實明水一實
醴齊太尊二一實明水一實沉齊山罍四二
實玄酒一實事酒一實昔酒時享則雞彝尊
彝及犧尊象尊著尊壺尊之上尊皆實以明
水山罍之上尊實以玄酒鳥彝黃彝實以鬱
鬯犧尊著尊實以醴齊象尊壺尊實以盞齊
山罍實以清酒太官令帥進饌者實諸籩豆
簠簋鉶俎及俎如時享太廟儀宮闈令設燭

於神座前又太官令帥其屬入實配享功臣
禮饌如禘享太廟儀謁者引獻官及諸享官
皆就門外位奉禮贊者先入就位再拜贊引
引宮闈令祝史齋郎執尊罍篚者功臣祝
史齋郎執尊罍篚者入立於南階之南重
行北向西上立定奉禮曰再拜贊者承傳宮
闈令以下皆再拜執尊罍篚者各就位宮
闈令自東階升堂詣室入開墻室祝史宮闈
令奉出神主置於座東王西后訖祝史薦香

酒復位謁者引獻官功臣獻官至版位西向
立奉禮曰再拜諸享官皆再拜其先拜者不
拜謁者引獻官詣盥洗位齋郎以篚取瓚授
獻官獻官洗瓚拭瓚以授齋郎齋郎以篚受
瓚詣南階以授祝史謁者引獻官升自東階
詣尊彝所執尊者去罍祝史取瓚於盤以授
獻官獻官執瓚酌鬱鬯謁者引獻官詣神座
前北向跪以鬯裸地訖祝史以盤受瓚獻官
再拜謁者引獻官降階至版位西向立初詣

高麗書卷六十一 三十一
享官再拜訖齋郎奉毛血及肝膋之豆立於南階下之東奉蕭稷黍者各立於肝膋之後以次詣南階祝史各迎取毛血肝膋於階上俱就奠於神座前其蕭稷黍各置於爐炭側祝史取肝燔於爐炭還尊所饋食獻官既升裸太官令帥進饌者陳於門外謁者引太官令奉俎至南階奉饌者次之祝史進徹毛血之豆授齋郎以出太官令升自南階詣神座前北向跪奠訖謁者引太官令降復位祝

史取蕭稷黍擣於脂燔於爐炭還尊所饌至階祝史迎奠於神座前齋郎奉配享功臣饌入祝史迎奠於神座前謁者引獻官詣洗位盥手訖齋郎以篚取爵授獻官獻官洗爵拭爵授齋郎齋郎以篚受爵詣南階授祝史謁者引獻官升自東階詣尊彝所祝史以爵授獻官獻官受爵祝史去罍獻官酌犧尊之泛齊四時及臘享則酌醴齊謁者引獻官入詣神座前北向跪奠爵小東俛伏與謁者引獻

官出尊所祝史又授副爵獻官受爵酌泛齊
訖謁者引獻官入奠於后妃神座前小西俛
伏興謁者引獻官出戶北向立祝史持祝版
進室戶外之右東向跪讀祝文訖獻官小東
再拜小西又再拜訖亞獻酌醴齊四時及臘
酌盞齊終獻酌盞齊酌獻如上儀訖謁者引
獻官詣飲福位西向立祝史酌福酒持盞飯
俎肉就獻官之左獻官再拜跪祭酒啐酒奠
爵受盞飯俎肉授齋郎遂飲卒爵置於坫再

拜降階就位西向立有使副則使爲初獻副
使爲終獻俱受福酒獨使則三獻訖受福酒
終獻將升謁者引功臣獻官詣洗位盥洗詣
酒尊所執尊者去罍獻官酌酒助奠者皆酌
酒謁者引獻官進詣座首東向奠爵諸助奠
者各進奠祝史持教書進座首之右立讀獻
官揖謁者引獻官復位祝史入室徹豆還尊
所配享功臣祝史進徹豆還尊所奉禮曰賜
胙再拜享官皆再拜受福者不拜送神奉禮

三三〇 行之

曰再拜衆官在位者皆再拜謁者詣獻官之
左白禮畢謁者引獻官及諸享官以次出祝
史納神主如常儀祝版燔於齋坊若后妃別
廟則無功臣配享禮器不設則以常享器皿
行之

景靈殿

景靈殿正朝端午秋夕重九親奠儀其日四
更末內侍茶房及指諭先入內殿庭次承宣
入庭肅拜訖內侍茶房及指諭次次拜謁次

三三〇 下

重房入庭肅拜訖承宣重房合班中心為頭
一行拜謁次入直閣門及侍臣入庭次中官
出齋事傳承宣承傳令中禁出傳指諭奉青
陽傘立左尚舍別監捲帳大將軍扶策左右
王靴袍出內殿前楹外立上將軍奏看中禁
奏山呼肅拜扶策大將軍下庭復位次承宣
重房內侍茶房指諭一時肅拜訖承宣秉燭
前引王下庭出南殿坐絞床牽龍都知奏山
呼肅拜舍人喝入直省負閣門肅拜柅候引

高麗書卷六十一 三十三

三〇

曰再拜衆官在位者皆再拜謁者詣獻官之
左白禮畢謁者引獻官及諸享官以次出祝
史納神主如常儀祝版燔於齋坊若后妃別
廟則無功臣配享禮器不設則以常享器皿
行之

景靈殿

景靈殿正朝端午秋夕重九親奠儀其日四
更末內侍茶房及指諭先入內殿庭次承宣
入庭肅拜訖內侍茶房及指諭次次拜謁次

重房入庭肅拜訖承宣重房合班中心為頭
一行拜謁次入直閣門及侍臣入庭次中官
出齊事傳承宣承傳令中禁出傳指諭奉青
陽傘立左尚舍別監捲帳大將軍扶策左右
王靴袍出內殿前楹外立上將軍奏看中禁
奏山呼肅拜扶策大將軍下庭復位次承宣
重房內侍茶房指諭一時肅拜訖承宣秉燭
前引王下庭出南殿坐絞床牽龍都知奏山
呼肅拜舍人喝入直省負閣門肅拜柅候引

樞密入庭就褥位舍人喝再拜訖王詣集禧
殿尚衣別監奉笏承宣傳奉入殿拜位樞密
贊王三拜內侍負奉香合承宣傳奉樞密奉
笏王點香三拜訖至景靈殿入就東階下西
向再拜上殿詣太祖室戶外再拜訖舍人喝
從官再拜王退從二室戶入詣太祖前再拜
承宣奉香合進王搯笏點香承宣奉洗盞器
王洗盞傳授樞密承宣奉注子進王斟酒大
小盞各一酌奉獻訖再拜次詣二室入戶再

拜上香獻酌如上儀出詣第三四五室拜禮
獻爵上香同上又從二室戶入詣太祖前俛
伏省郎自西階上殿詣太祖室戶外讀祝文
訖王再拜茶房別監奉福酒盞承宣傳奉授
樞密承宣奉注子斟酒承宣又進酌酒器王
酌酒三滴飲福酒訖再拜出詣太祖室戶外
再拜訖舍人喝從官再拜王退還東階下西
向再拜承宣秉燭前引次承宣受笏尚衣別
監傳受王還至內殿坐絞床閣門望龍顏承

傳云宣賜侍臣負將酒果舍人喝負將肅拜
訖王入內次中官出勞傳承宣重房內侍茶
房指諭肅拜而退無時奏告如大廟奏告儀

諸陵

拜陵儀將拜陵所司承制內外宣攝隨職供
辦王御別殿齋心兩月凡行事執事官及從
駕衆官各於本司清齋一日無本司者於公
所前發一日奏告太廟如常儀所司預掃除
所拜之陵及室內務極潔淨不得喧雜尚舍

局於陵近所設行宮鋪王座如常儀行宮皆
於前所量地之宜又於陵室之側量設小次
奉禮設王拜位於陵東南隅西向其有山谷
隱映則隨地設位望陵而拜又設拜位於陵
室階下之東南西向設行事宮位於王位之
南稍東又設隨駕兩府拜位於門外以西爲
上門非南向則量地之宜設文武百官位於
其後兩班相對爲首所司備珍羞庶品務極
豐潔前一日晡時王至行宮繖扇華蓋導從

高麗書卷之十一 三十五
如常儀若拜日至行宮則未明五刻鑾駕動
如常儀王至望陵拜所侍臣退合班立太常
博士引太常卿太常卿引王至拜位立太常
卿前奏請再拜王再拜奉禮曰再拜贊者承
傳宰臣樞密侍臣及隨駕衆官皆再拜訖王
至行宮齋宿其日未明一刻王至小次陵令
持祝版進近臣奉入小次王署訖近臣奉出
授陵令今受進奠於案行事官及兩府衆官
皆就位訖侍中版奏外辦王改服靴袍步出

小次仗衛停於小次之左右太常卿前導王
至陵室階下之位西向立太常卿前奏請再
拜王再拜奉禮曰再拜衆官在位者皆再拜
訖太常卿引王升階當神座前北向再拜又
當王后神座前再拜訖入進省服玩拂拭床
帳訖齋郎進饌太祝升階迎奠於神座前太
常卿引王詣尊所太祝及近臣贊酌酒王進
神座前奠酒三爵又於王后神座前奠酒三
爵訖少退北向立太祝持祝版詣神座右跪

讀訖退立於階下若更薦奠服玩則躬自執
陳太常卿請再拜王再拜又再拜太常卿引
王降詣拜位西向立太常卿前奏請再拜王
再拜奉禮曰再拜衆官在位者皆再拜訖太
常卿引王入小次祝版燔於齋坊通事舍人
引陵令寢宮侍衛人謁見若有宣賜則臨時
奏聽進止訖王還齋宮侍衛如常 成宗七
年十二月始定五廟八年四月始營太廟十
一年十一月太廟成命儒臣議定昭穆位次

及禘祫儀遂行祫禮十二年三月教曰殷以
十二君爲六代唐以一十帝爲九室晉書所
云兄弟旁及禮之變也則宜爲主立室不可
以室限神兄弟一行禮文斯在况我惠宗若
論同世豈可異班宜奉惠定光景四主通爲
一廟附於太廟十三年四月親禘附太祖惠
定光戴景宗于廟各以功臣配享 顯宗二
年太廟災每值時祭各祭於本陵五年四月
始修齋坊權安神主親禘十八年二月修太

高麗書卷六十一 三十七
廟復安神主顯宗末年六月癸巳德宗命有
司改定太廟三陵祝文式第一室太祖及王
后皇甫氏稱孝曾孫嗣王臣某第二室惠宗
及王后林氏第三室定宗及王后朴氏第四
室光宗及王后皇甫氏第五室戴宗及王太
后柳氏並稱孝孫嗣王臣某第六室景宗及
王后金氏第七室成宗及王后劉氏第八室
穆宗及王后劉氏並稱嗣王臣某王考顯宗
及王后金氏稱孝子嗣王臣某昌陵世祖及

王后韓氏稱孝曾孫王臣某乾陵安宗元陵
王太后皇甫氏稱孝孫王臣某 靖宗二年
十二月祔德宗於太廟王嘗問昭穆之義輔
臣徐訥黃周亮等言顯宗之祔也以兄弟同
昭穆之文惠定光戴同班爲昭景成爲穆穆
宗爲昭而顯宗祔於穆廟則二昭二穆與太
祖之廟而五今祔德宗數過五廟請遷惠定
光三宗藏于太祖廟西壁戴追王之主遷祭
於其陵可也劉徵弼言太祖在會祖行親未

盡故惠定光三宗不必遷唯遷戴宗於陵而
祔德宗於次室可矣周亮等言徵弼論親未
盡之義亦以一時四廟難於遷毀其言如是
臣聞前典云親過高祖則毀其廟由是觀之
自禰祖曾高而上論親盡未盡非以旁親論
惠定光在從祖行不可比於親祖昔晉鍾雅
奏言景皇帝不以伯祖而祭於廟宜除伯祖
之文朝廷從之則從祖不入於廟明矣惠定
光戴俱宜遷毀其後王謂一時而遷四神主

意所未安欲更從徵弼所奏周亮復言太祖
爲二廟惠定光戴爲昭一廟景成爲穆一廟
穆宗爲昭顯宗爲穆五廟之數於是乎備若
以派系次第論之顯宗於穆宗爲叔若先即
位可與景成同一行然繼穆宗位故顯宗祔
於穆宗下第二穆位今祔德宗則惠定光戴
四神主可以遷毀徵弼唯論四廟遷毀之難
不論昭穆之數宗廟之禮國之大事胡可臆
斷若以德宗爲昭則三昭二穆與太祖爲六

廟非古制也若論派系次第以顯宗爲第一
穆次于景成而降穆宗於其下則公羊所謂
僖閔逆祀也徐訥曰周亮之奏合於古制然
魯以諸侯昭穆之外有文世室武世室惠定
光三宗亦不可遷毀從之八年三月戊申尚
書禮部奏今四月當行禘祫而二十一日將
行王后冊封禮其禘祫請行攝事內史門下
奏禘祫固有定期封冊自可從宜請先行禘
禮從之 文宗十年正月己巳禮官上言太

廟祭器年久破缺不堪陳用曲禮曰祭服弊
則焚之祭器弊則埋之其籩篚玄衣赤舄命
御史臺焚埋之從之十月辛亥王太子見于
太廟三師以下導從廢子二人爲左右贊者
率更令請拜注簿告辦初詣廟時引樂懸而
不作謁畢樂作還宮戊午有司言今月當禘
祫于宗廟禮禘祫之月則停時享乞依禮制
停冬享從之十二年六月尚書禮部奏順安
憲三陵聖祖之兄弟也稱孫以祭似未合義

按唐書宣宗饗穆宗室文稱皇兄大常博士
閔慶之奏曰夫禮有尊卑而不敘親親祝文
稱謂未當請改爲嗣皇帝從之穆宗宣宗同
父異母也宣宗之祀穆宗稱皇兄未合於禮
故改稱嗣皇帝臣某明告于某宗今順安憲
三廟祝文宜稱嗣王臣某明告于某宗從之
仁宗二年七月親禘于太廟太祖東向德
靖文睿爲昭顯順宣肅爲穆議者曰禘非秋
祭也又惠宗有功德不宜毀而毀之皆非禮

毅宗時禘祫太祖東向惠文睿並南向爲
昭顯順宣肅仁並北向爲穆四時臘享朔望
寒食並室內南向 熙宗二年二月祔神宗
于太廟本朝廟制九室而有新祔之主則奉
遷主安於本陵崔忠獻與宰樞議據古典有
功者不遷親盡者毀之以爲順宗親盡無嗣
當出以神宗祔于第九室太祖在西東向惠
顯同爲第一昭宣肅同爲第二昭仁宗爲第
三昭文宗爲第一穆睿宗爲第二穆神宗爲

第三穆四年十月詔曰往年聖考祔廟之日
改定昭穆位序有所乖戾今宰樞侍臣禁官
國學致仕文儒等據典籍與本朝禮制參酌
各上封事衆論紛紜竟不改焉識者曰漢書
云父昭子穆孫復爲昭公羊傳曰父爲昭子
爲穆孫從王父則昭穆之序一定不易者明
矣豈可隨時而變易乎今遷第一穆顯宗於
第一昭與惠宗同一位遷第二昭文宗於第
一穆遷第二穆宣肅二室於第二昭遷第三

昭睿宗於第二穆遷第三穆仁宗於第三昭
而以神宗祔第三穆昭穆之序大紊况惠顯
二主皆有功德若周之文武故太祖東向惠
爲太宗顯爲世宗百世不遷其餘則昭常爲
昭穆常爲穆庶合於禮 忠烈王元年五月
命宰臣洪禔道攝事于景靈殿籩豆缺假內
殿淨事色以祭二年閏三月庚申命有司夏
享于太廟將以四月朝京師故先時行之
心宣王二年九月太廟五室東西置夾室安

第三穆四年十月詔曰往年聖考祔廟之日
改定昭穆位序有所乖戾今宰樞侍臣禁官
國學致仕文儒等據典籍與本朝禮制參酌
各上封事衆論紛紜竟不改焉識者曰漢書
云父昭子穆孫復爲昭公羊傳曰父爲昭子
爲穆孫從王父則昭穆之序一定不易者明
矣豈可隨時而變易乎今遷第一穆顯宗於
第一昭與惠宗同一位遷第二昭文宗於第
一穆遷第二穆宣肅二室於第二昭遷第三

昭睿宗於第二穆遷第三穆仁宗於第三昭
而以神宗祔第三穆昭穆之序大紊况惠顯
二主皆有功德若周之文武故太祖東向惠
爲太宗顯爲世宗自世不遷其餘則昭常爲
昭穆常爲穆庶合於禮 忠烈王元年五月
命宰臣洪禔道攝事于景靈殿籩豆缺假內
殿淨事色以祭二年閏三月庚申命有司夏
享于太廟將以四月朝京師故先時行之
忠宣王二年九月太廟五室東西置夾室安

憲顯二宗于西室文明二宗于東室三年正月丙戌以寢園春享將誓戒祭前七日誓戒例也今則三日也凡享官自太尉以下皆不至糾正及時到享官七人同議不誓而罷十月乙亥攝事于寢園不宰牛 忠肅王五年正月癸酉王命僉議贊成事金士元以溫泉所獲禽薦于太廟司膳典儀不至糾正後至士元以聞王曰祭先所以報本予躬獲禽以獻而有司乃爾耶是祭也內豎朴仁平竊其

禽代以其家瘠肉王不能罪十七年六月丁未祔忠宣王于寢園遷仁王主權安康王主于東夾室是祭衆闌入廟庭爭奪奠物而去法司不能禁凡行事皆不如儀日昏乃畢初典理佐郎趙廉言本國昭穆之序有乖古制宜以太祖居中室高宗爲第一昭元宗爲第一穆忠烈王爲第二昭忠宣王爲第二穆惠王明王居東夾室如周制武王居東北夾室之例顯三康王居西夾室如周制文王居西

北夾室之例如是則惠顯二主分居東西爲
不遷之主明康父子亦分東西爲假安之位
於禮便而昭穆之序亦合古制不從 忠穆
王三年四月辛卯命叅理安子由攝事于太
廟子由不宰犧牛以與願刹僧糾正白元石
不據禮以爭時人非之 忠定王三年十二
月辛丑恭愍王即位壬寅王親傳諸陵祝版
昌陵享官皆不至命侍臣一人授祝版遣之
二年正月甲申王將春享寢園百官侍衛至

寢園次於園東乙酉王乘輦入自南俠門文
官敘立於東階下武官西階下王立於月臺
東亞獻丹陽大君瑄立王之後終獻右政丞
李齊賢立於丹陽大君之後齋郎立於最後
行牲牢牛一羊五豕九鹿十祭畢退御幄次
受賀禮而還成均及十二徒諸生各獻歌謠
教坊伎樂陳於路傍迎之五年正月壬午朔
寢園春享享官誓于三司太尉樂安君李遷
善司徒典儀金義烈不至改命金海府院

君李齊賢爲太尉六年八月命李齊賢定昭穆之次齊賢上議曰謹按宗廟之制天子七廟諸侯五廟太祖百世不遷太祖而下父爲昭居左子爲穆居右昭穆左右則百世亦不變故春秋左氏傳有太王之昭王季之穆文之昭武之穆之文而尚書謂文王曰穆考謂武王曰昭考是其昭穆不變之明證也其兄弟相代者春秋公羊傳以爲昭穆同班大宋裕享位次圖太祖與太宗哲宗與徽宗欽宗

與高宗各位一世是則兄弟同班之法也十二陵蓋自江都去水而陸倉卒所置其制一堂五室而二十二陵神主一行而列所宜拓而廣之釐而正之然而不可造次而就未就之聞四時之事無所於享且於五室略依東漢以來同堂異室之制其二十二神主一各爲一房以別之太祖惠宗顯宗在太廟不遷則太祖之昭定光戴安於此無先之者居中室而以西爲上光宗之穆景宗戴宗之

高麗史卷六十一 四十五
穆成宗爲從兄弟居西第一室之第一房第
二房成宗之昭穆宗顯宗之昭德靖文居東
第一室之第一第二第三第四房亦從兄弟
也文宗之穆順宣肅居西第一室之第三第
四第五房宣宗之昭獻宗肅宗之昭睿宗爲
從兄弟居東第五第六房睿宗之穆仁宗居
西第六房仁宗之昭毅明神居東第七第八
第九房神宗之穆熙宗明宗之穆康宗亦爲
從兄弟居西第七第八房康宗之昭高宗居

東第十房合於左昭右穆兄弟同班之義若
夫五室拓而廣之昭穆釐而正之則乞下中
書令禮官博士博議詳定施行八年六月辛
未御史臺上言曰殿下躬享宗廟祭禮祭器
一皆新之奉先之意至矣自國都遷徙之後
國家多事典祀之官不共其職用脫粟飯沽
酒市脯不腆之甚至於此極而就野爲壇享
官或年老神昏豈其誠敬盡禮者乎宜令有
司就壇傍立舍以庇風雨令諸陵直於太常

寺更日直宿以充祝史又令都祭庫典廐署
併隸太常寺祭物魚果各道按廉使以時輸
納祭器亦令新之以副殿下誠敬之實從之
十二年正月王在福州命奉安九廟假主於
新鄉校置諸陵署於舊鄉校各行春享紅賊
之後假安九廟神主于崇仁門彌陀房太祖
忠宣忠肅忠穆神主失於兵難十月新作所
失四神主十二年五月庚午教曰國之大事
惟祀爲重經亂以後宗廟祭器禮服多有虧

缺可刻日營造以備情文犧牲粢盛務要蠲
潔丁亥還安九室神主于太廟以象輅載太
祖主平輅載八廟主百官公服侍衛時經亂
離具冠帶者僅四十餘其還安祭玉不親行
祝版亦不親押命一內侍奉香九室合薦一
牛太祖室羊豕各一八室豕一而已祭將灌
雨作獻官執事並升堂東立避之雨止乃復
位初獻訖於各室戶外飲福北向拜執禮讓
之曰初獻官就位樂九成再拜升行灌禮今

何無此禮耶諸獻官獻畢出就前楹取各室酒合酌一爵飲福西向再拜何其各室飲福北向拜乎七祀位在庭向東功臣位庭東向西都監官皆設於庭西向東或譏之曰何其兩位皆向東乎都監官驚駭遽改之誤設七祀位於庭東向西應鼓不縣工人舉而擊之如俳優戲樂章登歌禮也當亞獻都監官令登歌者皆下工人爭之曰前此樂章皆登歌強下之糾正執禮無敢非之者十六年三月

辛未王詣顯陵毅陵善陵行別祭奏樂三獻每獻三拜百官皆拜至正陵亦如之膳羞豐潔倍於三陵七月辛巳宰樞奏樂於仁熙殿上食二十年十二月庚辰朔始復行朔望祭丁顯陵二十一年正月乙卯王幸仁熙殿奏樂行祭命大臣祭正陵用樂仁熙殿正陵每祭皆三行內行國行都評議司行也 辛禡七年四月壬戌攝事于諸陵獻官皆不至平昌元年三月壬午重房祭太祖真殿舊制

何無此禮耶諸獻官獻畢出就前楹取各室酒合酌一爵飲福西向再拜何其各室飲福北向拜乎七祀位在庭向東功臣位庭東向西都監官皆設於庭西向東或譏之曰何其兩位皆向東乎都監官驚駭遽改之誤設七祀位於庭東向西應鼓不縣工人舉而擊之如俳優戲樂章登歌禮也當亞獻都監官令登歌者皆下工人爭之曰前此樂章皆登歌強下之糾正執禮無敢非之者十六年三月

辛未王詣顯陵毅陵善陵行別祭奏樂三獻每獻三拜百官皆拜至正陵亦如之膳羞豐潔倍於三陵七月辛巳宰樞奏樂於仁熙殿上食二十年十二月庚辰朔始復行朔望祭丁顯陵二十一年正月乙卯王幸仁熙殿奏樂行祭命大臣祭正陵用樂仁熙殿正陵每祭皆三行內行國行都評議司行也 辛禡七年四月壬戌攝事于諸陵獻官皆不至辛昌元年三月壬午重房祭太祖真殿舊制

三月三日祭之歲以爲常 恭讓王二年正月禮曹上議曰按朱文公論天子宗廟假諸侯之制明之天子諸侯勢殊而理同今西原君以下四代封崇立園置祠官事宜謹依前代典故議之漢末王莽僭位光武中興匡復漢室孝元皇帝世在第八光武皇帝世在第九故以元帝爲考廟別立四親廟於洛陽祀父南頓君以上至春陵節侯宋英宗以仁宗從兄濮王之子入繼大統詔議崇奉濮王典

禮司馬光等議爲人後者爲之子宜尊以高官大爵稱皇伯而不名呂氏引程子之論曰爲人後者謂其所後者爲父母謂所生者爲伯叔父母此天地之大經生人之大倫不可得而變易也然所生之義至尊至大雖當專意於正統豈得盡絕於私恩要當揆量事體別立殊稱惟我太祖統合三韓四百餘年傳至恭愍王不幸無子而薨卒禍父子得奸王位其禍不減王莽殿下受命中興同符光武

而入承大統以奉祖宗之祀西原以下當依
漢宋尊以高官大爵立園置祠官別子奉祀
而子孫襲爵在禮當然請尊定原府院君爲
三韓國大公淳化侯爲馬韓國公妃爲馬韓
國妃益陽侯爲辰韓國公妃爲辰韓國妃西
原侯爲卞韓國公妃爲卞韓國妃立園曰積
慶置祠官曰積慶署祭享以朔望四孟月爲
制從之遂置園于成均館西分遣宗親七人
詣四親墓祭告封崇迎神入安于積慶園三

韓國大公奉使道卒無兆域設帳殿于迎賓
館迎神以入命定陽府院君瑀及各司一員
公服侍衛仍行祭牛一羊一豕七其儀仗祭
品樂器与景靈殿同又於園外立碑使瑀主
祀閏四月都評議使司奏積慶園七位祔廟
安神祭及四時祭享器物禮儀一依諸陵署
從之二年九月癸卯王命弟瑀率百官奉三
韓國大公真入安于陽陵寺仍名孝慎殿祭
儀與四時大亨同

志卷第十五

古書卷六十一

十一

